

Muy pronto otro distribuidor di gasoline na Aruba



ORANJESTAD(AAN) — Tur cos ta indica cu na September Barlock Caribbean Oil Corporation N.V. lo cuminsa suministra gasoline na otro pompnan di gasoline cu muy pronto lo establece na Aruba.

Asina señor Barros, managing director di Barlock Caribbean Oil Corporation N.V. a duna di conoce.

Segun Barros, na Januari 1988, e unico accionista di Barlock Caribbean Oil Corporation N.V., Jozef Arends, a acerca Gobierno di Aruba cu e plan pa importa gasoil y gasoline na un cantidad limita na Barcadera.

Señor Arends a compra 6 tanki for di Lago, cualnan ya ta estableci na Barcadera.

Na Februari, Arends a acerca Barros y esaki a acepta e oferta y a tuma su retiro for di Esso Petrolera.

Barros a manifesta cu tabata tin comentarionan den prensa y rumornan encuanto Barlock Caribbean Oil Corporation N.V., cualnan señor Arends a desmenti caba cu ningun miembro di famia Eman ta involvi den e compania aki.

Barros a manifesta cu nan no kier duna mas comentario encuanto e asunto aki pero nan ta invita cualkier persona den comunidad y nan lo contesta cualkier pregunta cu e persona por tin.

Pa loke ta trata e compania, ariba un tereno di aproximadamente 10.000 metro cuadra lo establece 6 tanki na Barcadera. E tereno ta situa na e parti Este di e fabrica bieu di rom. Tres tanki lo worde usa pa gasoline y otro tres pa gasoil.

Barlock Caribbean Oil

Corporation N.V. ta e doño di e terminal cu lo importa gasoline y gasoil. Dicho compania lo bay compra su mesun trucknan pa asina entrega e gasoline y gasoil na e pompnan di gasoline.

Segun Barros, Kwihi Corporation ta bay opera e pompnan di gasoline. Kwihi Corporation lo opera solamente dos pomp di gasoline, e otro pomp lo worde opera pa un persona independiente.

Barros a sigui splica cu e dos companianan a yega na un acuerdo pero nan dos no ta necesariamente e mesun doñonan.

Kwihi Corporation N.V. ta consisti di diferente accionista y ningun di nan tin algo di haber cu politica.

Esaki ta encera cu lo bin competencia den venta di gasoline. Barros a manifesta cu e pueblo lo sali beneficia pasobra awor nan por escohe cual gasoline cu nan kier.

Pa loke ta trata e compania cu lo suministra e gasoline y gasoil, Barros a manifesta cu nan ta negocia cu varios compania y no ta exclui e posibilidad cu un di nan lo bira un accionista di Barlock Caribbean Oil Corporation N.V.

PRIJS DI GASOLINE LO NO BAHÁ

Ariba e pregunta si e compania su prijs di gasoline lo ta mas abao cu esun di Esso Petrolera, Barros a manifesta cu hopi hende tin un comprension malo di gasoline.

Segun Barros, e unico comerciante cu ta gana hopi placa ta Gobierno. Gasoline actualmente ta worde bendi na 1 Florin pa Liter. Di e suma aki

mas di 60 cent ta bay pa Gobierno. Di e restante cu ta mas o menos 40 cent mas o menos 26

cent ta costo di e producto. Es decir e margen ariba gasoline ta mas o menos 14 cent pa Liter.

Segun Barros, e 14 cent mester worde reparti entre e pompnan di gasoline, e persona cu ta importe y esun cu ta transporte.

Barros no ta kere cu directamente lo por spera un reduccion di prijs di gasoline.

LO BIN MIHOR CALIDAD DI GASOLINE

Barros a manifesta cu e competencia cu lo bin ta ariba e mihor calidad di gasoline, mihor servicio y e opcion di descuento

ariba sistema di self service.

Lo bin un pomp banda di aeropuerto esta den vecindario di Do-meinbeheer, e pomp na Topcar lo worde habri.

Segun Barros, tin dos peticion pero un ta mas avanza cu e otro. Esun mas avanza ta pa un pomp banda di hotelnan na Noord mientras cu e otro